

Garðabær og Hafnarfjörður

30. júní 2016

Fjölbreytt flóra safna

Í Hafnarfirði og Garðabæ er að finna fjölmörg söfn og sýningar sem gaman er að skoða. **SÍÐA 4**

Bæjarbúar yndislegir

Andrea Magnúsdóttir fatahönnuður er heimavön bæði í Garðabæ og Hafnarfirði. **SÍÐA 10**

Allir eru víkingar inn við beinið

Björgvin Halldórsson er Hafnfirðingur í húð og hár. Hann segist hafa búið víða á höfuðborgarsvæðinu en það jafnist ekkert á við Fjörðinn. Björgvin var að gefa út vinsæl Íslandslög á dögum þar sem eru 40 vinsæl íslensk sönglög. Þar utan er hann farinn að undirbúa jólin.

Það eru 25 ár síðan Björgvin gaf út Íslandslög í fyrsta sinn en alls hafa nú komið út sjö plötur með vinsælum íslenskum söngperlum og sú áttunda er í bígerð. Á nýju plötunni eru 40 Íslandslög. Löggin eru frá ýmsum tímasteiðum og skipa mörg þeirra heiðursseti hjá þjóðinni. Björgvin segist hafa viljað minnst þess að 25 ár væru síðan fyrsta platan kom út. „Þetta eru lög sem allir þekkja, mikill fjársjóður af fallegum lögum sem við þurfum að varðveita,“ segir hann. „Nú er ég að undirbúa ýmsa tónleika sem verða á næstunni, meðal annars á Írskum dögum á Akranesi. Síðan er ég að undirbúa jólatónleika mína en þeir eru í vinnslu allt árið.“

Þegar Björgvin er spurður um Hafnarfjörð segir hann að það skemmtilegasta við bæinn sé hvað bæjarmeningin hefur haldið sér þrátt fyrir fólksfjölgun og nálægð við höfuðborgina. „Bærin hefur auðvitað breyst töluvert en hann heldur enn í sjarmann. Áður fyrr þekkti maður bæjarbúa og hverra manna fólk var á svipmóti, göngulagi og háttalagi. Núna fer það þværandi og það er miður. Kynlegu kvistirnir hverfa í fjöldann,“ segir hann.

Björgvin segir margt skemmtilegt að sjá í Hafnarfirði. „Það er

Áður fyrr þekkti maður bæjarbúa og hverra manna fólk var á svipmóti og göngulagi.

Björgvin Halldórsson


líka gaman að kíkja á kaffihúsin hér í bænum eða veitingahúsin. Svo er Hafnarborg frábært gallerí og umhverfið heillandi. Mér fyndist allt í lagi að Strandgatan fengi andlitslyftingu og svo væri gaman að fá fleiri sérhæfðar verslanir sem myndu til dæmis selja vörur sem eingöngu væri hægt að fá í Hafnarfirði. Við höfum sérverslanir eins og Kalaish og Siggú og Timo og þurfum fleiri slíkar,“ segir Björgvin.

Björgvin var spurður hvort Hafnarfjörður væri víkingabær eða bær tónlistarmanna.

„Það búa margir listamenn í Hafnarfirði og þá sérstaklega fer tónlistarmönnum fjölgandi. Við erum með fyrsta hljóðverið sem byggt var á Íslandi, Hljóðrita. Svo erum við Hafnfirðingar auðvitað allir víkingar inn við beinið.“
elin@365.is



Björgvin Halldórsson segir að best sé að búa í Hafnarfirði og er ánægður með mannlífið þar.



Byggðasafnið í Hafnarfirði er einstaklega skemmtilegt og oft fjölbreyttar sýningar þar. Við hlið þess stendur hið gamla hús A. Hansen þar sem þessi stytta stendur.



Krókur á Garðaholti.

Segir frá lífinu í Króki

Krókur á Garðaholti er fallegur lítill bárujárnsklæddur burstabær sem var endurbyggður úr torfbæ árin 1923, 1934 og 1944 og er nú varðveittur með upprunalegu innbúi síðustu ábúenda, hjónanna Þorbjargar Stefaniú Guðjónsdóttur og Vilmundar Gíslasonar. Þorbjörg bjó í Króki allt til 1985 en eftir að hún lést gaf fjölskyldan Garðabæ bæjarhúsin ásamt innbúi þannig að hægt væri að varðveita Krók. Sunnudaginn 3. júlí kl. 13 til 17 fá gestir safnsins í Króki á Garðaholti tækifæri til að hitta Elínu Vilmundardóttur sem ólst upp á bænum, spjalla við hana og hlusta á hana segja frá lífinu þar.

Systurnar Elín og Vilborg Vilmundardætur höfðu yfirumsjón með hvernig húsgögnunum og munum var raðað þannig að það væri eins og í tíð móður þeirra, enda verður sú tilfinning sterk þegar gengið er um bæinn að gamla konan hafi bara rétt skroppið af bæ. Krókur er gott dæmi um alþýðheimili frá fyrri hluta 20. aldar og má þar sjá ýmislegt forvitnilegt sem sumir muna eftir frá fyrri tíð. Í tilefni af endurkomu Elínar í Krók verður boðið upp á kaffi. Eins og aðra sunnudaga í sumar er opið kl. 13 til 17, ókeypis inn og allir velkomnir. Bílastæði eru við samkomuhúsið á Garðaholti.



Heiðar J. Sveinsson, framkvæmdastjóri Hyundai, stendur hér hjá Tucson-jappa sem er söluhæsti bíllinn hjá fyrirtækinu.



Samheldinn hópur starfsmanna Hyundai í landsliðstreyjum en þar á bæ er einhugur um álit á íslenska karlalandsliðinu í knattspyrnu.

Hyundai stendur fyrir öryggi og gæði

Hyundai hefur verið í Kaupþúni í Garðabæ síðan 2012 og þar er öll starfsemi og þjónusta við viðskiptavinum á einum stað. Heiðar J. Sveinsson framkvæmdastjóri segir aðalsmerki Hyundai vera fallega hönnun og áreiðanleika.

Hyundai hefur verið hluti af bifreiðaumboðinu BL ehf. síðan 1992 en í september 2012 var ákveðið að færa starfsemi Hyundai í ný og glæsileg húsnæði í Kaupþúni 1 í Garðabæ. Ástæðan var meðal annars sú, að sögn Heiðars J. Sveinssonar framkvæmdastjóra, að þar væri hægt að hafa alla starfsemi á einum stað og uppfylla staðla framleiðanda. „Hér á þessu svæði er bæði fullkomið þjónustuverkstæði og varahlutaverslun fyrir Hyundai-bíla auk þess sem boðið er upp á úrval notaðra vel með farinna Hyundai-bíla. Hér er því hægt að sækja alla þjónustu á einn stað sem er til mikils hagræðis fyrir viðskiptavinum okkar.“ Heiðar segir Kaupþún hafa orðið fyrir valinu af ýmsum ástæðum. „Húsnæðið er rúmgott og hentar okkar viðskiptum vel og aðkoman að húsinu auðveld og næg bílastæði. Það spillir

svo ekki fyrir að hér eru fyrir sterk fyrirtæki sem draga að talsvert af fólki sem kallar á umferð sem að okkar mati hentar okkar viðskiptum líka. Það er auðvelt að komast hér að og auðvelt fyrir fólk að finna okkur.“

Aðalsmerki Hyundai er falleg hönnun og áreiðanlegir bílar og að fylgja bílasölu eftir með góðri þjónustu eftir að bíllinn er keyptur. „Ný vörulína Hyundai er öll með 5 ára ábyrgð og ótakmarkaðan akstur auk þess sem viðskiptavinum Hyundai býðst að koma með bíla sína í gæðaskoðun án endurgjalds hvenær sem er. Til að viðskiptavinir njóti alls þess besta sem bíleigendur geta hugsað öllum nýjum Hyundai-bílum ef svo óheppilega vildi til að bíllinn bili á fimm ára ábyrgðartímanum,“ segir Heiðar. Hann segir hraða endurnýjun í tegundum koman-

farin ár. „Salan er mest hjá okkur í Tucson og I20 og svo gengur Santa Fe alltaf vel. Hyundai stendur fyrir áreiðanleika og öryggi í rekstri sem hefur skilað okkur góðum viðskiptum við bílaleigur sem aftur hafa styrkt merkið á markaði.“

Í dag er Hyundai næstmest seldi bíll landsins eða með 10 prósentu markaðshlutdeild í fólksbílum eftir fyrstu fimm mánuði ársins og Heiðar er að vonum ánægður með það. „Okkar metnaður er að þjónusta viðskiptavinum okkar eins vel og kostur er og það gerum við hér í Kaupþúni. Við opnum á hverjum degi klukkan korter í átta og þjóðum upp á kaffi og að sjálf-sögðu skutlum við viðskiptavinum bæði til og frá vinnu eða hvert sem er innan höfuðborgarsvæðisins á meðan bíllinn er í viðgerð. Verið velkomin til okkar í Kaupþún,“ segir Heiðar að lokum.

Aktu
Hyundai
til sigurs



ÁFRAM ÍSLAND!

Hyundai er einn af aðalstyrktaraðilum UEFA EURO 2016

Nýr Hyundai Tucson er einstaklega fallegur og státar af sjálfskiptingu, fullkomnu fjórhjóladrifi og sparneytinni dísilvél. Komdu og upplifðu gæðin. Reynsluaktu nýjum Hyundai Tucson með fimm ára ábyrgð strax í dag.

Hyundai Tucson - Verð frá 4.790.000 kr.



HYUNDAI

NEW THINKING.
NEW POSSIBILITIES.



Hyundai Tucson / Dísilvél 2,0 lítrar, 136 hestöfl, eldsneytisnotkun 6,1 l/100 km* / Bensínvél 1,6 lítrar, 175 hestöfl, eldsneytisnotkun 7,6 l/100 km*. Öllum Hyundai bílum fylgir 5 ára verksmiðjuábyrgð og ótakmarkaður akstur.

Hyundai / Kaupþúni 1 / Sími 575 1200 / www.hyundai.is

Fjölbreytt og skemmtileg flóra safna

Í Hafnarfirði og Garðabæ er að finna fjölmörg söfn og sýningar sem gaman er að skoða. Hér má sjá upptalningu á nokkrum þeirra.

Pakkhúsið

Í Pakkhúsinu eru að öllu jöfnu þrjár sýningar í gangi í einu, fastasýning um sögu bæjarins, leikfangasýning og þemasýning.

Sívartsen-hús

Í Sívertsen-húsi er sýnt hvernig yfirstéttarfjölskylda í Hafnarfirði bjó í byrjun 19. aldar, auk þess sem varpað er ljósi á merki-lega sögu Bjarna Sívertsens og fjölskyldu hans.

Bungalowið

Bungalowið var opnað eftir endurbætur árið 2008 og er þar að finna sýningu um tímabil erlendu útgerðanna í Hafnarfirði á fyrri hluta 20. aldar auk þess sem þar má sjá stásstofu Bookless-bræðra.

Beggubúð

Í Beggubúð er verzlunarminjasafn Byggðasafns Hafnarfjarðar. Húsið, sem byggt var árið 1906, stóð áður við aðalverslunargötu bæjarins en var flutt á lóð safnsins, gert upp og opnað sem sýningahús árið 2008.

Ljósmyndasýning

Á strandstígnum meðfram höfninni í Hafnarfirði eru settar upp ljósmyndasýningar er varpa ljósi á dagleg störf og sögu fólksins sem bæinn byggði.



Hönnunarsafn Íslands í Garðabæ varðveitir íslenska hönnun.



Siggubær er krúttlegur bær í miðbæ Hafnarfjarðar.

Hafnarborg

Hafnarborg er menningar- og listamiðstöð Hafnarfjarðar. Sýningardagskrá safnsins er fjölbreytt og gerir skil ólíkum miðlum samtímamyndlistar auk þess sem reglulega eru sýnd verk íslenskra listamanna frá fyrri hluta 20. aldar. Tónleikar eru fastur liður í starfseminni.

Siggubær

Siggubær er varðveittur sem sýnishorn af heimili verkamanns og sjómanns í Hafnarfirði á fyrri hluta 20. aldar.



Í Pakkhúsinu í Hafnarfirði eru nokkrar áhugaverðar sýningar í gangi. MYNDIR/HANNA

Hönnunarsafn Íslands

Hönnunarsafn Íslands er að Garðatorgi 1 í Garðabæ. Því er ætlað að sýna og varðveita þann þátt íslenskrar menningarsögu er lýtur að hönnun, einkum frá aldamótum 1900 og til dagsins í dag. Safnið skráir og varðveitir muni svo sem húsgögn, nytjahluti, fatnað, listhönnun, prentmuni og fleira.

Krókur á Garðaholti

Krókur á Garðaholti er lítill bárujárnsklæddur burstabær sem var endurbyggður úr torfbæ árið 1923. Bærinn er í dag með þremur burstum en árið 1923 var mið-



Sívertsen-hús þar sem sýnt er hvernig yfirstéttarfjölskylda í Hafnarfirði bjó.

hússins á Garðaholti. Krókur er opinn almenningi á sunnudögum á sumrin (júní-ágúst) frá kl. 13-17. Ókeypiss aðgangur.

Minjagarður að Hofsstöðum

Merkar fornminjar er að finna í miðbæ Garðabæjar. Fornleifarannsóknir við Hofsstaði hófust árið 1994 og fundust þar minjar af næststærsta landnámskála sem fundist hefur á Íslandi. Ákveðið var að varðveita minjarnar og fyrsti áfanginn var uppsetning á minjagarði sem er að finna á lóð Tónlistarskólans að Kirkjulundi. Garðurinn er opinn allan sólarhringinn.

Sérfræðingar í rafgeymum



RAFGEYMASALAN
Dalshrauni 17 Hafnarfirði 565 4060
sala@rafgeymar.is www.rafgeymar.is

NÝTT AFMÆLISMERKI GARÐABÆJAR

Garðabær fagnar fjörutíu ára kaupstaðarafmæli sínu í ár en bærinn fékk kaupstaðarréttindi árið 1976. Fram að því var byggðin kölluð Garðahreppur eftir að Álftaneshreppi var skipt í Bessastaðahrepp og Garðahrepp árið 1878. Afmælinu verður fagnað á margvislegan hátt í ár. Meðal annars var haldin samkeppni um sérstakt afmælismerki Garðabæjar þar sem Ráðhústurninn er nýttur sem tákn fyrir bæinn. Sigur úr bítum bar Sighvatur Halldórsson, grafískur hönnuður. Þá verður haldin afmælishátíð í miðbæ Garðabæjar á Garðatorgi laugardaginn 3. september með dagskrá fyrir alla fjölskylduna. Einnig hefur afmælið verið fléttað inn í fasta liði í menningarlífi bæjarins, eins og djasshátíð og listadaga barna og boðið upp á fjölbreyttar sögu- og fræðslugöngur um bærlandið. Einnig verða gefin út afmælis-



Hér má sjá ráðhústurn Garðabæjar sem var fyrirmyndin að afmælismerkinu.

blöð sem verður dreift um bæinn. Vonast er til að viðburðir á afmælisárinu verði til þess að styrkja samkennd Garðabæinga og efla bærarbraginn og um leið verða tilefni fyrir kynslóðir til að koma saman og eiga góða stundir.



Hér má sjá afmælismerki Garðabæjar sem bar sigur úr bítum í samkeppni vegna fjörutíu ára afmælisins. Vinningstillagan er eftir Sighvat Halldórsson.

Granít Steinar



Með áletrun og uppsetningu
verð aðeins kr: 269.900



Með áletrun og uppsetningu
verð aðeins kr: 239.900



Með lukt, áletrun og uppsetningu
verð aðeins kr: 303.900



Með áletrun og uppsetningu
verð aðeins kr: 309.900



Með áletrun og uppsetningu
verð aðeins kr: 159.900



Með áletrun og uppsetningu
verð aðeins kr: 119.900

— Sendum út um allt land án kostnaðar —



MIKIÐ ÚRVAL LUKTA OG FYLGIHLUTA FRÁ BIONDAN,
EINUM VIRTASTA FRAMLEIÐENDA Í EVRÓPU



* Aukahlutir á mynd fylgja ekki

Granítsteinar.is - Helluhrauni 2 - Hafnafjörður - Sími: 544-5100



Starfsfólk ISS framreiðir hundrað þúsund hádegisverði í hverjum mánuði til fyrirtækja og stofnana á höfuðborgarsvæðinu ásamt því að sjá um veislur og aðrar veitingar.

Ætla að verða fremst í flokki

Starfsfólk ISS Íslands stefnir á að gera fyrirtækið að fremsta þjónustufyrirtæki á landinu. ISS er aðallega þekkt fyrir ræstingavið sitt en hádegisverðarþjónustan hefur verið í miklum vexti að undanfögnu.

ISS A/S er fjórði stærsti einkarekni atvinnurekandi í heimi með um 515 þúsund starfsmenn. Að sögn Bjarkar Baldvinsdóttur, sviðsstjóra sölu- og verkþróunar hjá ISS, er markmið fyrirtækisins að verða fremsta þjónustufyrirtæki í heimi. „Því ætlum við í ISS Ísland að verða fremsta þjónustufyrirtæki á Íslandi.“

Greina þarfir viðskiptavina

Björk segir að eitt af því sem starfsfólk ISS gerir til að vinna að því markmiði að verða fremsta þjónustufyrirtæki í heimi sé að greina þarfir viðskiptavina sinna. „Til þess notum við svokallað ADP sem er sérþróuð aðferðafræði sem ISS hefur tileinkað sér. Með henni skoðum við viðskiptavininn út frá hans markmiðum, framtíðarsýn og stefnu og gerum áætlun um hvernig við getum hjálpað honum að ná sínum markmiðum og ná meiri og betri árangri í sínum rekstri. Til þess að viðhalda viðskiptasambandi og góðu samstarfi við viðskiptavininn þarf ávallt að vera á tánum. Þannig fá viðskiptavinir okkar alltaf þá þjónustulausn sem hentar hverju sinni.“

Um hundrað þúsund máltíðir

ISS Ísland ehf. er til húsa í Austurhrauni 7 í Garðabæ en fyrirtæk-

ið er í eigu alþjóðafyrirtækisins ISS A/S sem er með höfuðstöðvar í Danmörku og starfar í 53 löndum. Starfsfólk ISS Ísland ehf. er um 720 manns um allt land. Helstu þjónustuvið fyrirtækisins eru daglegar ræstingar, veitinga- og hádegisverðarþjónusta ásamt fasteignaumsýslu. ISS starfar eingöngu á fyrirtækjamarkaði. „Rætur ISS liggja í ræstingum en hins vegar hefur hádegisverðarþjónustan verið í miklum vexti undanfarin ár. Í dag framreiðum við hátt í hundrað þúsund hádegisverði í hverjum mánuði til fyrirtækja og stofnana á höfuðborgarsvæðinu ásamt því að sjá um veislur og aðrar veitingar,“ segir Björk og bætir við að fasteignaumsjónarsviðið hafi einnig stækkað verulega. „Í apríl síðastliðnum gerðu ISS og Reginn samning um yfirtöku á meginhluta þeirra rekstrarþátta sem Fasteignaumsýsla Regins hefur sinnt.“

Stór samningur

Þjónustusamningurinn við Reginn er einn stærsti þjónustusamningur sem ISS hefur gert á Íslandi og eykur hann umfang ISS í fasteignaumsjón til muna. ISS tekur yfir starfsfólk Regins í þeim verkefnum er að samningnum lúta. Samningurinn tekur til stöð- og þjónustustarfsemi sem tilheyr-



Starfsmaður ISS við störf við ræstingar en þar liggja rætur fyrirtækisins.



Hádegisverðarþjónusta ISS hefur verið í miklum vexti undanfarin ár.



Björk Baldvinsdóttir, sviðsstjóri sölu- og verkþróunar hjá ISS.

ir Smáralind og Egilshöll svo sem ræstingar og þrif, sorp og förgun, þjónustuborð, öryggismál, hús- og baðvarsla ásamt hluta af rekstri og viðhaldi fasteigna og tæknikerfa auk orkustýringar.

Framtíðin er björt

„Við lítum björtum augum á fram-



Í apríl síðastliðnum gerðu ISS og Reginn samning um yfirtöku á meginhluta þeirra rekstrarþátta sem Fasteignaumsýsla Regins hefur sinnt.

tíðina, mikil hreyfing er á markaðnum og hann er að breytast í takt við þróun og vöxt fyrirtækja og stofnana. Úthýsingarmarkaðurinn er að breytast, stjórnendur fyrirtækja horfa í síauknum mæli á lausnir, árangur og útkomu frekar en tímagjald eða eininga-verð, svokallaða „out-put based“

lausn í stað „input based“ lausn. Það er það sem við erum að bregðast við, að bjóða hentugar lausnir, horfa á viðskiptavininn og skilja hans umhverfi og út frá því hvaða lausn hentar honum best. Við viljum hjálpa viðskiptavinum okkar að ná sínum markmiðum,“ útskýrir Björk og brosir.



CINTAMANI

DESIGNED & TESTED IN ICELAND

WWW.CINTAMANI.IS

Nítjándi ratleikurinn um Hafnarfjörð

Ratleikur Hafnarfjarðar fer fram í nítjanda sinn í sumar. Líkt og átta síðastliðin sumur hefur **Guðni Gíslason** veg og vanda af leiknum sem stendur til 25. sept. Þemað í ár er landamerki og eyktamörk. Leikendur fá gefins kort og geta leitað uppi allt að 27 staði í og við bæinn.

„Markmiðið með leiknum er að fá fólk til að fara út í umhverfi Hafnarfjarðar og upplifa alla þá fjölbreytni og fegurð sem er að finna bæði í bænum og í kringum hann,“ segir Guðni sem hannar leikinn fyrir Hafnarfjarðarbæ undir merkjum Hönnunarhússins ehf.

Leikurinn fer þannig fram: Fólk getur sótt vandað útivistarkort frítt á fjölmarga staði í Hafnarfirði. Á kortið eru merktir 27 staðir vítt og breitt um bæjarlandið auk fróðleiks um hvern og einn stað. Þegar komið er á þessa staði er þar að finna lausnarorð sem hægt er að skrá á kortið. Þeir sem vilja geta skilað inn kortunum fyrir 25. september með lausnarorðunum en á sérstakri uppskeruhátíð um haustið verður dregið úr innsendum kortum.

„Fólk þarf ekki að fara á alla 27 staðina til að geta skilað inn kortinu,“ upplýsir Guðni en hægt er að vera með í þremur mismunandi flokkum. Léttfetar skila inn nýu stöðum, göngugarpar 18 og þrautakóngar öllum 27.

Þetta er í nýnda sinn sem Guðni semur ratleikinn. „Það er mjög gaman að þessu. Ég fæ góðan stuðning fróðra manna og hefur Ómar Smári Ármannsson, yfirlög-regluþjónn, fornleifafræðingur og leiðsögumaður, verið mér innan handar en hann gjörþekkir Reykjanesið,“ segir Guðni. Þegar staðirnir hafa verið ákveðnir fer Guðni á þá til að finna gps-punkta sem síðan eru merktir inn á kortið.

Síðustu ár hefur verið sérstakt þema í hverjum leik. „Í ár ákváðum við að vera með landamerki og eyktamörk,“ upplýsir Guðni en



Guðni við einn af 27 áfangastöðum ratleiksins í ár. MYND/HANNA

eyktamark var fastur punktur í landslagi sem var notaður sem viðmið við sólargang til að vita hvað tímanum leið.

Guðni segir þátttöku í leiknum hafa verið mjög góða og þeim fjölgi sífellt sem taki þátt. „Það eru alls ekki allir sem skila kortunum en það er samt ótrúlega stór hluti sem klárar alla staðina,“ segir hann og bendir á að leikurinn sé sérlega vinsæll meðal fjölskyldufólks. Guðni segir margar fjölskyldur

hafa fundið skemmtilegar leiðir í gegnum ratleikinn sem þær fari á aftur og aftur.“

„Hér í Hafnarfirði er að finna ofboðslega fjölbreytta náttúru, allt frá grófu og grónu hrauni til auðnar eða skógi vaxinna svæða. Hér eru líka fjölbreyttar minjar mannvistar sem gaman er að skoða. Það er svo ótrúlega margt fallegt sem við eigum hér í kringum okkur sem við erum oft að sækja allt of langt.“
solveig@365.is



Nálgast má kortin á eftirtöldum stöðum

- Ráðhúsi Hafnarfjarðar
- Bókasafni Hafnarfjarðar
- Fjarðarkaupum
- Suðurbæjarlaug
- Ásvallalaug
- Ásvöllum
- Músik og sport
- Fjallakofanum
- Altis
- Hress
- Burgerinn og jafnvel víðar!

BRÁÐA SKÓLINN
MEÐ PUTTAN A PULSINUM

ERTU VIÐBÚIN/N AÐ TAKAST Á VIÐ BRÁÐAAÐSTÆÐUR?

Bráðaskólinn býður upp á fjölda námskeiða sniðin að þínum þörfum

Við bjóðum upp á námskeið í skyndihjálp ætluð almenningi en einnig sérhönnuð námskeið fyrir heilbrigðisstarfsmenn.

Meðal viðskiptavina okkar eru:

- Einkareknar skurðstofur
- Læknastofur
- Tannlæknastofur
- Heilbrigðisstofnanir auk fyrirtækja og einstaklinga



Skráning fer fram á bradaskolinn@bradaskolinn.is



Agnes Helga Bjarnadóttir og Sigurður Guðjónsson eru ánægðir starfsmenn hjá Marel. Hún er rafvirki og hann er rafmagnsverkfræðingur. Þau segja að fyrirtækið bjóði upp á skemmtileg verkefni. MYND/ANTON BRINK

Víðtæk þekking í hverju horni hjá Marel

Marel er í hópi stærstu útflutningsfyrirtækja landsins og er í fararbroddi á heimsvísu í þróun og framleiðslu á háþrúðum búnaði og kerfum til vinnslu á fiski, kjöti og kjúklingi. Um 550 frábærir starfsmenn starfa við fjölbreytt störf hjá fyrirtækinu á Íslandi.

Á Íslandi starfa um 550 manns við fjölbreytt störf hjá Marel, meðal annars við framleiðslu, nýsköpun, viðhald, sölu og markaðsstarf. Einnig er hér á landi rekið eitt stærsta hugbúnaðarhús landsins sem þróar og framleiðir Innova-hugbúnaðarlausn fyrirtækisins sem sér til þess að veita viðskiptavinum rauntímaupplýsingar um afköst, nýtingu og arðsemi. Auk þess sem lausnir tryggir fullkominn rekjanleika.

Agnes Helga Bjarnadóttir er rafvirki sem hefur starfað hjá Marel síðastliðin sex ár. Agnes er í fámennum hópi kvenna sem starfa við rafvirkjun hér á landi en segir það ekki koma að sök hjá Marel.

„Konur eru um eitt prósent af stéttinni en þeim fer sem betur fer fjölgandi. Ég starfaði áður sem sjúkraliði og maðurinn minn er hjúkrunarfræðingur sem starfar við sölu á lækningatækjum. Ástæðan fyrir því að ég tók ákvörðun um að söðla um var að ég fann þörf fyrir breytingu og hafði alltaf langað til þess að starfa við rafvirkjun, sem var einfaldlega ekki í boði fyrir konur þegar ég var ung. Mér var sagt að starfið væri of flókið og ég komst hvergi að á samning. Þegar ég ákveð að láta verða af þessari breytingu starfaði ég á vökudeild Barnaspítala Hringsins með nýburum og fyrirburum en eftir fimmtán ár af næturvöktum og vinnu á jólum og páskum fannst mér einfaldlega komið nóg. Þar að auki langaði mig að prufa að vinna með körlum,“ segir Agnes.

Starfsmenn hafa fengið að dafna og þroskast í starfi eftir að þeir gengu til liðs við fyrirtækið.

Sigurður Guðjónsson

„Á spítalanum eru kynjahlutföllin náttúrulega akkúrat öfug við þau sem ég starfa við í dag og það veitir mér ánægju að vinna í jafn fjölbreyttum hópi starfsfólks og ég fæ að gera. Sjálf vinn ég með smiðum og samsetningamönnum í flestum verkefnum, en það er líka svo ánægjulegt að koma upp í fallega borðsalinn okkar og geta sest niður með stjórnendum, öðrum iðnaðarmönnum eða forriturum, sem þrátt fyrir mismunandi starfsreynslu og bakgrunn eiga auðvelt með að starfa sem ein heild hjá Marel. Hérna stendur fólk saman og manni líður eins og hluta af vel samstilltri fjölskyldu.“

Þegar ég var yngri óraði mig ekki fyrir því að ég myndi fá tækifæri til þess að meðhöndla ýmis verkfæri og tæki sem ég starfa nú með daglega. Ég er þakklát fyrir að hafa fengið að öðlast innsýn og reynslu í verkefni sem áður fyrr voru bara hluti af karlaheiminum, eins og til dæmis bara að bora í vegg.“

Sigurður Guðjónsson, rafmagnsverkfræðingur og vél-

stjóri, hóf störf hjá Marel fyrir rúmu ári. Sigurður hefur fjölbreyttan starfsferil að baki sem hann segir koma sér að góðum notum á degi hverjum við starf sitt hjá Marel.

„Þær eru ófáar greinarnar sem ég hef starfað við í gegnum tíðina en starf mitt hefur þó oftast eitthvað verið tengt iðnaði og þjónustu. Björgunarsveitarstörf, vélstjóranámið, verkfræðikunnáttan sem og bein afskipti af framleiðslustýringu hafa hjálpað mér að öðlast stöðugan og góðan grunn til þess að sinna starfi mínu vel hjá Marel,“ segir Sigurður.

„Hér hjá Marel er aragrúi af frábærum einstaklingum sem margir hverjir hafa svipaða sögu að segja og ég, það er, hafa fjölbreyttan bakgrunn og hafa fengið að dafna og þroskast í starfi eftir að þeir gengu til liðs við fyrirtækið. Persónulega hefur það þroskað mig mikið að starfa í jafn frjóu umhverfi og stórt nýsköpunar- og framleiðslufyrirtæki eins og Marel er.“

Hjá Marel er manni boðið upp á að fást við skemmtileg verkefni og skipulagið í kringum þau er gott. Víðtæka þekkingu er að finna í hverju horni og stöðugt er ýtt undir að starfsfólk sækir sér meiri þekkingu og miðli henni að sama skapi til samstarfsfélaga sinna. Ekki skemmir fyrir að hér er bráðgott mótuneyti, aðstaða til íþróttaiðkunar er til fyrirmyndar og boðið er upp á margs konar félagstarf fyrir starfsmenn og aðstandendur þeirra.“



Marel selur hugbúnaðarlausnir til margra landa víða um heiminn.



Marel er með höfuðstöðvar að Austurhrauni 9 í Gardabæ.

Marel

Bæjarbúarnir eru allir dásamlegir

Hafnarfjörður og Garðabær eru eins og litlir bæir úti á landi þar sem allir þekkja alla að mati fatahönnuðarins Andreu Magnúsdóttur og líkar henni það vel. Hún tengist báðum bæjum og leiðir lesendur hér í allan sannleika um hvar og hvernig best sé að verja tímanum þar.

Andrea Magnúsdóttir fatahönnuður er heimavön í bæði Hafnarfirði og Garðabæ en hún er alin upp í Garðabæ og býr þar í dag en bjó í Hafnarfirði í nokkur ár eftir að hún fór að heiman. Fjölskylda mannsins hennar er öll í Hafnarfirðinum og mikið af þeirra vinum en hennar fólk er í Garðabæ. „Sem betur fer er stutt á milli,“ segir Andrea brosandi.

Hún er bæjarlistamaður Garðabæjar árið 2016 en þegar Andrea var við nám í fatahönnun í Kaupmannahöfn hóf hún að hanna og selja fatnað undir eigin nafni, Andrea. Að loknu námi flutti hún í Garðabæinn og opnaði árið 2009 verslun og saumastofu með hönnun sinni við Strandgötu í Hafnarfirði. Hún þekkir því báða bæi vel og féllst á að deila sínum eftirlætisstöðum þar með lesendum.

Uppáhaldsstaðirnir í Garðabæ og Hafnarfirði? Í Hafnarfirði er það Strandgatan og Hellisgerði. Í Garðabæ er það garðurinn minn, lækurinn, Vífilsstaðavatn og sundlaugin.

Hvar er best að borða? Garðabær: Mathús Garðabæjar. Hafnarfjörður: Von og Osushi.

Hvar er best að eyða laugardags-eftermiddagi? Á Strandgötu. Alltaf einhverjir skemmtilegir á ferli þar.

Besta kaffihúsið á svæðinu? Súfistinn.



Ein af skemmtilegri minningum Andreu frá Garðabæ er þegar hljómsveitin **Of Monsters and Men** hélt tónleika við Vífilsstaði í Garðabæ og 25.000 manns mættu. MYND/STEFÁN KARLSSON



Strandgatan í Hafnarfirði.

Leyndar perlu? Hellisgerði og Heiðmörk. Svo verð ég að nefna Keili. Ég er ekki golfari en það er æðislegt að fara þangað þegar veðrið er gott og fá sér japanskt kjúklingasalat með útsýni yfir hafið, það er eins og að fara til útlanda í hádeginu.



Andrea Magnúsdóttir er bæjarlistamaður Garðabæjar í ár. Hennar upphaldsstaðir í Hafnarfirði eru Hellisgerði og Strandgatan en þar rekur Andrea verslun sína. MYND/ANTON BRINK

Hvernig eru bæjarbúar? Dásamlegir. Ég ímynda mér að þessir bæir séu eins og litlir bæir út á landi, það þekkja allir alla og ég elska það. Alveg sama hvort maður fer að kaupa í matinn, í sund eða horfa á fótþoltaleik þá klikkar það ekki að maður hittir skemmtilegt fólk.

Áttu einhverja skemmtilega minningu frá þessum stöðum?

Svo óteljandi margar... En ég held að það standi upp úr þegar Of Monsters and Men hélt tónleika við Vífilsstaði í Garðabæ og 25.000 manns mættu. Ógleymanleg upplifun.

Hvað er annars að fréttu? Gott að fréttu, sumarið er hér og Ísland er alveg „meðidda“ þessa dagana, það er svo mikið um að vera alls staðar og allir svo glaðir. Áfram Ísland!

RAPPI Í REYKJAVÍK

entourage
EINNIG ALLA VIRKA DAGA
Á STÖÐ 3
KL. 19:25

NÝTT Á STÖÐ 2 MARAÞON
HORFÐU Á HEILU ÞÁTTARADIRNAR ÞEGAR ÞÉR HENTAR

365.is | Sími 1817
STÖÐ 2 MARAÞON FYLGIR VÖLDUM SJÓNVARPSPÖKKUM 365.
365

STÆRRI ÞRÍÞRAUTARDAGUR Í HAFNARFIRÐI Í ÁR

Þríþrautardagurinn í Hafnarfirði í ár verður haldinn næstkomandi sunnudag, þriðja júlí. Keppnin hefur undanfarin ár alfaríð verið haldin á Vallasvæði og á Krísvíkurvegi en í ár verður hún stærri og keppnissvæðið sjálft stækkað. Þannig gefst tækifæri fyrir fleiri til að njóta og taka þátt. Í ár mun keppnin teygja anga sína í miðbæ Hafnarfjarðar og enda þar.

Þríþrautardagurinn hefst klukkan átta í Ásvallalaug með sundi. Gera má ráð fyrir að fyrstu keppendur klári sundið á um tuttugu mínútum og mun þá taka við stýrð umferð fyrir hjólreiðar frá Ásvallalaug út á Krísvíkurveg. Líkur eru á einhverjum töfum á umferð þegar hollin fara af stað og eins þegar þau koma aftur til baka að sundlaug. Hjólahluti Þríþrautardags fer að mestu fram á Krísvík

víkurvegi þar sem hjólaðir eru allt að sex hringir, mismunandi eftir því hvaða vegalengd fólk tekur þátt í. Allir þeir sem leið eiga um svæðið eru beðnir um að sýna biðlund og tillitssemi á meðan á keppni stendur. Reynt verður eftir megni að lágmarka lokun á götum en líklegt þykir að tafir getið orðið á umferð frá kl. 10.15 til 13.15.

Þriðji og síðasti hluti þríþrautar, hlaupahlutinn, mun fara fram á Strandstíg í miðbæ Hafnarfjarðar og mun verðlaunaafhending í lok keppni verða á Strandstíg til móts við Íþróttahúsið á Strandgötu. Stigurinn verður lokaður fyrir annarri umferð frá kl. 10.20 til 16.00 þennan sunnudag.

Frekari upplýsingar um Þríþrautardaginn má finna á vef Hafnarfjarðarbæjar, hafnarfjordur.is.

ALLT INNIFALIÐ

MEÐ ÖLLUM LEGSTEINUM



188.100 KR.
ÁÐUR: 297.300 KR.

Einn spörfugl fylgir

nr. 116-5



149.000 KR.
ÁÐUR: 227.050 KR.

nr. 2042



270.000 KR.
ÁÐUR: 351.550 KR.

nr. 2046



268.620 KR.
ÁÐUR: 406.900 KR.

nr. 2020



188.100 KR.
ÁÐUR: 297.300 KR.

Einn spörfugl fylgir

nr. 116-5



297.420 KR.
ÁÐUR: 442.900 KR.

nr. 113



304.000 KR.
ÁÐUR: 402.350 KR.

nr. 2021



539.900 KR.
ÁÐUR: 746.000 KR.

nr. G51002



329.000 KR.
ÁÐUR: 433.350 KR.

nr. 104



313.000 KR.
ÁÐUR: 413.350 KR.

nr. 118



385.000 KR.
ÁÐUR: 503.350 KR.

nr. 129-3

ÖLL OKKAR VERÐ MIÐAST VIÐ
FULLBÚINN STEIN MEÐ UPPSETNINGU

ÞARF AÐ ENDURNÝJA LETRIÐ Á STEININUM?

GRANÍTHÖLLIN TEKUR AÐ SÉR AÐ HREINSA OG ENDURMÁLA LETUR Á LEGSTEINUM. EINNIG TÖKUM VIÐ AÐ OKKUR AÐ RÉTTA AF LEGSTEINA SEM ERU FARNIR AÐ HALLA.



*Frí uppsetning miðast við uppsetningu á höfuðborgarsvæðinu.
Með fyrirvara um þrenntíllur og uppseldar vörur.

BÆJARHRAUNI 26,
HAFNARFIRÐI

Graníthöllin
Legsteinar

SÍMI 555 3888
GRANITHOLLIN.IS



Gamli varðturninn á Álftanesi er minjar um hersetu Breta á nesinu.

VARÐTURNINN Á ÁLFTANESI

Utarlega á Álftanesi stendur einmana varðturn. Hann er hlaðinn úr grjóti og er leifar frá hernámi Breta í seinni heimsstyrjöldinni. Þar var vörður allan sólarhringinn og markaði turninn inngang inn á svæði þar sem hermenn höfðust við í bröggum einnig var þar loftskeyta-stöð. Tilgangur stöðvarinnar eða Brighton-kampsins, var að verja Reykjavíkflugvöll

ef til árásar á hann kæmi og þar fóru fram skotæfingar. Í dag er varðturninn skemmtilegur viðkomustaður á hjólaleið eða gönguferð um nesið. Til að komast þangað er best að fara Norðurnesveg og síðan Jörfaveg eins langt og hægt er þar til komið er að húsi sem stendur eitt og sér. Þá er beygt inn malarveg og þar blasir turninn við.



Í Beggubúð er verslunarminjasafn Byggðasafns Hafnarfjarðar.

Svíf þú inn í svefninn ...í rúmi frá okkur!



Söguganga um Hafnarfjörð

Byggðasafn Hafnarfjarðar stendur fyrir safna- og sögugöngu í kvöld þar sem gengið verður á milli allra sýningarhúsa safnsins í miðbæ Hafnarfjarðar. Gangan fer af stað frá Pakkhúsinu, Vesturgötu 6, klukkan átta en sýningar safnsins á Byggðasafnstorginu, í Pakkhúsinu, Sívertsen-húsinu og Beggubúð, verða opnaðar hálf tíma áður.

Í Pakkhúsinu eru að öllu jöfnu þrjár sýningar í gangi í einu, fastasýning um sögu bæjarins, leikfangasýning og þemasýning. Sívertsen-húsið er elsta hús Hafnarfjarðar, byggt á árunum 1803-1805 af Bjarna Sívertsen. Í Beggubúð er verslunarminjasafn Byggðasafns Hafnarfjarðar.

Gengið verður vestur að Bookless Bungalowi, þaðan að Siggubæ og að lokum að Góðtemplarahúsinu og sýningarnar í þessum húsum skoðaðar. Á göngunni verður einnig farið yfir sögu hinna ýmsu staða og viðburða á þeirri leið. Gengið verður undir leiðsögn Björns Péturssonar bæjarminjavarðar og er þátttaka ókeypis.



Bessastaðir baðaðir sól.

Byggð frá landnámi

Saga byggðar í Garðabæ teygir sig allt til landnáms. Ingólfur Arnarson er talinn hafa átt vestasta hluta landsvæðisins, landið kringum Vífilstaði hafi Vífill, leysingi Ingólfs, átt og syðsti hlutinn hafi verið í eigu Ásbjarnar Özurarsonar. Ásbjörn bjó á Skúlastöðum sem talið er að hafi staðið þar sem Bessastaðir eru nú, eða þar sem kirkjustaðurinn Garðar á Álftanesi var. Fjöldi fornleifa frá því um landnám hefur fundist allt frá Álftanesi og inn í Heiðmörk. Grafið hefur verið eftir minjum á Hofsstöðum við Kirkjulund og í Urriðakoti skammt frá Ikea. Fundist hafa meðal annars bronsnæla frá 10. öld og snældusnúður frá 13. öld. Fjölbreyttar minjar í Garðahverfi á Álftanesi þykja einstakar og gefa mynd af sjósókn, búskap, samgöngum, trúarlífi og skólahaldi og réttarsögu á svæðinu. Hlaðnir garðar afmörkuðu byggðina og er að finna bæjarhóla, brunna, útihús, aftökustað, steina með áletrunum og fornar leiðir. Fógetastígurinn í Gálghrauni er dæmi um forna leið og þá voru leiðir um Heiðmörk og yfir í Kópavog en á þeirri leið voru dysjar sakanna sem líflátnir voru á Kópavogspingstað.

Heimild: Vísindavefur Háskóla Íslands og Garðabær.is

Rúm, springdýnur, sængurver, púðar & rúmteppi, gjafavara! ...við erum með þetta allt og meira til!

Í áraðir hefur Ragnar Björnsson ehf. framleitt rúm af öllum stærðum og gerðum, allt eftir þínum óskum.

Lengd, breidd og mismunandi hæð á rúmunum eykur þægindin. Við bjóðum mismunandi stífleika á dýnum, allt eftir þyngd þeirra sem á dýnunum hvíla. Þú velur rétta hæð á rúmið þitt og stígur létt framúr.

ÍSLENSK HÖNNUN – ÍSLENSK FRAMLEIÐSLA

